

مکتبہ علمیہ

۱۸ نجی سنہ

فرہ شعبان ۱۳۱۵

جزو، عدد : ۷۵



گریدك احوال عمومیه و تاریخیه سی

(مابعد عن جزؤ ۷۴)

— ۱۶ —

واردات و مصارف

فقرة سابقه نقل و حکایه اولدینی اوزره ازمئه قدیمده هر درلو محصولاتدن عیناً عشر آلتقمده بولمخش ایدی . بؤ وجهله آلمان محصولات عینیه ایله اغنام صاحبیلرینک ویردکاری اغنام بدلاتندن و امور زرّاعیده استخدام اولنان صنف اھالینک تأدیہ ایدمگدیگی عواندندن و سائر صورتلہ جمع اولنان مبلغدن عبارت بولمخش اولان وارداتک بر قسیمی معابد مصارفه و دیگر بر قسیمی مأمورین معایشنه تخصیص اولنہرق قصوری ایسه اعیان معرفتیلہ بیکس و بیوایہ عالمہ لڑک امر تعیشنه صرف ایدلمک معناد اولدینی مؤلفین متقدمین و متأخریندن بعضیسنک حملهء روایتندن بولمخشد .

رقمایلرک زماننده مرعی اولان ویرگو اصولی تفصیلاتی پکده معلوم اولیوب و ندیکولرک زمان اداره سنده ایسه و ندیک ہر سنہ گریددن بر ملبون دوقاتو Ducato رادہ سنده برواردات آلدینی بعض مؤلفین طرفندن روایت ایدلمکده در . اول وقت تداول ایدن بؤ جنس مسکو کاتدن هر بری درت فراق اوتوز بش ساتیمہ مقابل گلدیگی حساب و تخمین اولندیغنه گورہ گرید جزیرہ سی و ندیک خزینہ سنہ سنوی ۴,۳۵۰,۰۰۰ بؤ قدر فراق ویرمکده ایدی . آنجق دیگر

طرفدن ونڈیک خزینہ سی کریددہ بولنٹش اولان میلیس Milice عسکری صندوقہ سنوی ۲۰۰۰۰۰ دوقاتو ویرمکده بولنٹش اولمسیلہ بؤ مقدار مبلغ سالف الذکر برملیون دوقاتودن تنزیل اولمصدقہ ونڈیک خزینہ سنک کریددن استیفا ایدہ گلدیگی یازہ ۸۰۰۰۰۰ دوقاتودن یعنی ۳۴۸۰۰۰۰ بوقدر فراقندن عبارت قالقور ایدی . مع مافیہ ونڈیک ممالکک و اردات عمومیہ سنہ و جزیرہ ده متوالی - الظهور اولان اغتشاشات سبیلہ ونڈیک ہر وقت اختیارینہ مجبور اولدینی مصارف کلیہ بہ نسبتہ کریددن آلدینی بیان اولنان شو مقدار آچہ استکثار اولنور درجہ ده دگلدر ظن ایدرم .

کریڈٹ و اردات عمومیہ سی نہ مقداردن عبارت بولنٹش اولدینہ دائر معلومات کافیہ و ادارہ مصریہ زمانہ و آندن صکرہ دخی کریدلی مصطفی نائی پاشانک مدت ادارہ سنہ عائد قیود مالہ ، کریدجہ موجود اولمیدیندن ، اول وقت دخی و اردات و مصارف جزیرہ نك نہ مقدارہ بالغ اولدینہ دائر معلومات رسمیہ بوقدر . مع مافیہ بہ شلہی Pashley و راتقاویس Paxy, 67 نام مؤلفلر طرفندن ویریلان معلوماتدن آکلاشلدینی اوزرہ ۱۸۳۶ سنہ میلادیہ سنہ جزیرہ نك و اردات و مصارفی بروجه آتی ایدی :

واردات

غروش	
۶,۴۰۰,۰۰۰	ہر نوع محصولاتدن سبع حاصلاتی
۲۰۰,۰۰۰	اغنام رسومی
۲,۰۹۱,۷۲۵	اخراجات رسومی
۳۷۵,۰۱۵	ادخالات رسومی
۷۱۸,۹۵۱	بعض التزامات بدلاتی
۹,۷۸۵,۶۹۱	یکون واردات

مصارف

غروش	
۸۰۰,۰۰۰	والینک تخصیصاتی
۵۳۵,۵۴۰	قندیه و حانه و رسم و اسفاکیه مجلسری معاشاتی
۱۲۰,۰۰۰	مأمورین مالیہ معايشی
۴۹,۷۴۴	کمرک مأمورلری معايشی
۲۷,۲۳۵	مطبوعه ولایت مصارف
۲۴,۰۰۰	محاکم شرعیہ
۲,۴۶۴,۰۴۰	کریدده بولنان عساکر مصریه مصارف
۲,۰۰۷,۵۰۰	بش بیگ بش یوز تعینات یومیہ مصارف
۱,۶۳۰,۰۰۰	اسلحه بهاسی والبسه عسکریہ اثمائی و بر طاقم استر مصارف
۱,۷۶۰,۰۰۰	بیگ بش یوز نفر آرناد و ائدارمه ناک مصارف
۹,۴۱۸,۱۵۹	یکون مصارف

بؤ حسابہ کوره ۳۶۰ بیگ راده سنده بر فضله و اردات وار ایدی .
 آنجق رولن Raulin و دیگر بعض مؤلفین متأخرین بالاده ذکر اولنان و اردات
 میاننده بدلات عسکریه و محاکم شرعیه حاصلاتی و دیگر بعض و اردات داخل
 اولمديغنی و حالبوکه بؤنلرک دخی علاوه سیله و اردات قسمی اکال اولنديغنی حالده مقدار
 مجموعی ۱۸۳۷ سنه میلادیه سنده ۱۶,۷۲۴,۵۸۵ غروش به بالغ اولنديغنی بیان
 ایدیورلر .

والینک دخی معیت موجوده سیله تخصیصات سنویه سی بالاده کوستریلان مقدارده
 اولميقوب ۲ میلیون ۵۰۰ بیگ غروشدن عبارت اولمسندن مصارف قسمنه اولمقدار
 تخصیصات و دیگر بر طاقم مصارف مقننه و فوق العاده علاوه اولنديغنی صورتده
 سنه مرقومه مصارف قسمی دخی بوجه آتی ایدی .

مصارفات

غروش

والينك تخصیصات سنويه سى مجالس اعضا سى معاشاتى	۲,۵۰۰,۰۰۰
قنديه ده اوتوز اوج اعضا	۲۶۶,۰۴۰
رسموده اون بر	۶۳,۸۰۰
حانیه ده اون آلتى	۱۸۵,۷۰۰
اسفا كیه ده	۱۸,۰۰۰
حاکم شرع ومفتى تخصیصاتى	۲۴,۰۰۰
اموال امیره نك تحصيل وجباتى ایچون مصارف	۱۸۰,۰۰۰
مأمورین مالیه معاشى	۱۲۰,۰۰۰
كرك مأمورین معاشى	۲۹,۷۴۴
مطبعة ایالت مصارفى	۲۷,۳۳۵
كربنده بولنمش اولان برلوا، ایكى میرآلای، ایكى قائم مقام، اوج یوز سكسان درت بیوك و كوچك ضابط و اوج بیك سكر یوز قرق نفردن	۲,۴۶۴,۰۴۰
عبارت عساكر مصریه ایله موزیقه طاقى و معلمه	
بش بیك بش یوز تعیینات یومیه بهاسى	۲,۰۰۷,۵۰۰
اسلحه والسته عسكریه بهاسیه استرل مصارفى	۱,۶۳۰,۰۰۰
بیك بش یوز آرتاود پیاده و سواری ژاندارمه لره	۱,۷۶۰,۰۰۰
قلاع تعمیراتیه بعض امور نافعیه	۱,۰۰۰,۰۰۰
یكون مصارف	۱۲,۲۹۶,۱۵۹

دیگر بر جوق معلومات دخى اشبو مصارف جدولى مندرجاتنك صحته ده
زیاده مقرونیتى اثبات ایتمکده اوله رق ، شو حالده جزیره نك اول وقت واردات
سنويه سى ۱۶,۷۰۰,۰۰۰ و مصارف سنويه سى دخى ۱۲,۲۰۰,۰۰۰ غروش
را ده سنده ایدی .

تاریخ مذکور دن صکره دخى سنوی واردات و مصارف همان اول مقدارده
بولنمش اولدینی حالده ۱۲۹۵ سنه هجریه سنده اجرا اولنان اصلاحات ضره سنده
طوژ و توتون و كمرک و اوقاف حاصلاتی ولایت بودجه سنك واردات قسمندن
و مصارف عسکریه ایله قلاع شاهانه مصارفى و بحریه تخصیصاتى و سوده ترسانه سى

تخصیصاتی ایله اوقاف مصارفی بودجه نك مصارف قسمندن چيقاريله رق مصارف سارء محليه، محلی مال صندوقدن تسويه اولمق اوزره واردات سارء، مذکور مال صندوقه ترك اولمخس ایدی . مع مافیه طوؤز و توتون حاصلاتی ایله وارداتی دیون عمومیه اداره سی طرفدن اخذ واستیفا اوله رق اوقاف حاصلات و مصارفی دخی محلی اوقاف اداره سنه ترك ایدلمسیه یالگیز گمرک حاصلاتی خزینة جلیله یه عائد بولمخسدر .

آنجق هر سنه بودجه دفترخی مذاکره یه مأمور اولان مجلس عمومی ولایت . امور مالیة محلیه ده بر اساس سالم وضع ایتدیگندن، فیضلی بر ایکی سنه دن ماعداسنه لرده ولایت بودجه سنده ظهور ایدن آجیغك قیادلمسی ایچون گمرک حاصلاتك دخی نصفی طرف دولتدن محلی مال صندوقه ترك اولمخده ایدی .

شو حالده سلطنت سنیه، عساکر بریه و بحریه و قلاع شاهانه و سوده ترسانه سی مصارفی تسویه ایدرایکن یالگیز گمرک حاصلاتك ۱۷۰۰۰ نهایت ۲۰۰۰۰ لیرا رادء سنده اولان نصفی آلمده در .

احوال فوق العاده دخی اختیار اولنان بونجه مصارف و فداکارلقلر بشقه در . سنین اخیره نك واردات و مصارفه دائر بر فکر حاصل اولمق اوزره فیضلی و فیضسنر ایکی سنه نك بودجه سنی ولایت رسمی غرنه سنندن بورایه نقل ایلمرم :

۱۳۰۳ سنه مالیه سی بودجه سیدر .

واردات

غروش	
محصولات صیفیه اعشاری	۳,۵۰۰,۰۰۰
زیتون اعشاری	۱,۵۰۰,۰۰۰
بالق رسمی	۱۴۵,۰۰۰
سوانگر رسمی	۲۰۰,۰۰۰
محاکم حاصلاتی	۷۷,۰۰۰
مقاولات محرر لکری حاصلاتی	۲۸۰,۰۰۰
ترهینات قلمری حاصلاتی	۴۰,۰۰۰
یکون	۵,۷۴۲,۰۰۰

نقل یکون	۵,۷۴۲,۰۰۰
جزای نقدی	۶۰۰
تمغا پولی بیعیہ سی	۱۱,۰۰۰
اعشار تقاسیطی گذشتہ سی	۴۵,۰۰۰
مطبوعہ ولایت حاصلاتی	۱۰,۰۰۰
حاصلات متفرقہ	۲۵,۰۰۰
سرکار حاصلاتی	۳۲,۰۰۰
املاک امیریہ حاصلاتی	۳,۰۰۰
املاک مضبوطہ حاصلاتی	۳,۰۰۰
بیہ گو و آلچی طاشی حاصلاتی	۱۲,۰۰۰
	۵,۸۸۳,۶۰۰
کریڈٹ حاصلاتک نصفی	۲,۰۰۰,۰۰۰
	۷,۸۸۳,۶۰۰

مصارف

غروش	
امور داخلیہ	۲,۵۱۹,۰۸۰
امور مالیہ	۳۴۲,۰۰۰
امور عدلیہ	۲,۳۴۹,۴۸۰
ضبطیہ	۵,۲۱۱,۴۶۰
امور نافعہ	۲,۸۳۹,۰۰۰
مصارف متنوعہ	۱,۴۴۷,۲۵۸
	۱۴,۷۰۸,۲۷۸
واردات	۷,۸۸۳,۶۰۰
آجیق	۶,۸۲۴,۶۷۸

۱۳۰۴ سنہ سی بودجہ خلاصہ سی بروجہ آتیدر .

غروش	
کریڈٹ حاصلاتک ینہ نصفی داخل اولدینی خالدہ واردات	۱۴,۴۸۷,۱۲۵
مصارف	۱۳,۰۱۳,۰۱۸
آجیق	۱,۴۷۴,۱۰۷

سنه سابقه‌دن قالان ۶۸۰۰۰۰۰۰ غروش آجیغك قبادلسی ایچون آلتی سنه‌ده
 تسویه اولمق اوزره آلتی میلیون غروشلق بر استقراض عقد اولمش اولدیغندن،
 استقراضك رأس المالیه فائضی اوزره مصارف قسمته بر بچق میلیون غروش دخی
 فضله بر مصرف ضم ایدلمش و اوج یوز درت سنه مالیه‌سنك آجینی دخی اوج
 میلیون قریب بر مقداره بالغ اولمشدر. الحاصل سنین اخیرده مصارف اون میلیون
 ایله اون درت میلیون غروش راده‌سنده ایکن واردات حد وسطی اعتباریله بر سنه
 یدی میلیون و بر سنه اون میلیون غروش درجه‌سنده ایدی .

[مابعدی نسخه نالیه ده]

شورای دولت ملکه دائره‌سی اعضاستندن

آندریا قوپاسی

